

Qhia Rau Kuv Ntxiv Txog...

Kev Tswj Cov Kev Pab Rau Yus Tus Kheej (Self-Directed Supports) nyob hauv Managed Care

Daim ntawv no yuav hais txog qhov Self Directed Support option (yus yog tus tswj cov kev pab rau yus tus kheej) uas muaj nyob rau hauv Wisconsin qhov managed long-term care cov kev pab cuam: Family Care, Family Care Partnership, thiab PACE. Yog koj xav paub ntau ntxiv txog cov kev pab mus sij hawm ntev (long-term care) no, thov nug tus neeg saib xyuas txog cov hauj lwm hauv Aging and Disability Resource Center.

Kev Tswj Cov Kev Pab Rau Yus Tus Kheej (Self-Directed Supports) nyob hauv Managed Care Yog Dab Tsi?

Qhov koj yog tus tswj cov kev pab koj tus kheej yog pub ib txoj kev rau koj los tswj koj cov kev pab thiab kev txhawb zog rau koj tus kheej kom ntau dua qub. Nyob hauv Family Care, Family Care Partnership thiab Program of All-Inclusive Care for the Elderly (PACE), uas yog cov kev pab cuam hauv “managed long-term care”, cov koom haum Managed Care Organization, los yog MCO, yuav muab kev pab (nrog rau peev nyiaj) rau koj kom txaus ib yam li nkaus li lawv ho yog tus tswj cov kev pab cuam rau koj. Ces koj mam li siv peev nyiaj ntawd mus yuav cov kev pab thiab kev txhawb zog uas yuav pab kom ua tau hauj lwm rau koj raws li qhov koj tau npaj tseg.

Kev Tswj Cov Kev Pab Rau Yus Tus Kheej (Self-Directed Supports) hauv Managed Care Ua Hauj Lwm Li Cas?

Leej Twg Los Yeej Xaiv Tau Qhov Tswj Cov Kev Pab Rau Yus Tus Kheej (Managed Care Self-Directed Supports Option) no

Qhov xaiv Self-Directed Supports option (yus yog tus tswj cov kev pab rau yus tus kheej) muaj rau txhua tus tswv cuab nyob hauv Family Care, Family Care Partnership thiab PACE.

Txhua Lub MCO Muaj Ib Daim Hom Phiaj Npaj rau qhov tswj cov kev pab rau yus tus kheej (Cov Self-Directed Supports)

Txhua lub MCO nyias muaj nyias daim hom phiaj los muab qhov kev tswj cov kev pab rau yus tus kheej (self-directed support). Ib lub MCO twg yuav tsum:

- Muaj ib txoj kev rau koj tso cai muab koj peev nyiaj mus them rau cov chaw muab kev pab kho mob thiab nrog xyuas seb koj peev nyiaj tshuav npaum li cas;
- Muaj ib txoj kev rau koj xaiv thiab ntiav cov neeg ua hauj lwm pab koj, uas tej zaum kuj yog tsev neeg, cov phooj ywg, los yog cov neeg nyob ze koj; thiab
- Muaj ib txoj kev rau koj cob qhia thiab tswj hwm cov neeg ua hauj lwm rau koj kom lawv paub tu koj thiab ua raws li qhov koj xav tau.

Cov Neeg Muaj Cai Xaiv Seb Cov Kev Pab Twg Yog Cov Lawv Yuav Tswj Lawv Tus Kheej

Koj yuav xaiv tau qhov koj tswj tas nrho cov kev pab rau koj tus kheej los yog ib txhia xwb. Piv txwv li, koj xaiv kom koj yog tus tswj koj tus kheej cov cov kev pab tu koj (personal care) los yog cov chaw pab nrog koj nrhiav thiab tuav txoj hauj lwm, es siv pab neeg ua hauj lwm nrog koj tswj lwm cov kev pab uas yuav tau hauj lwm rau koj raws li tau teev hauv koj daim hom phiaj.

Yog koj xaiv qhov kom koj yog tus tswj cov kev pab rau koj tus kheej, pab neeg ua hauj lwm rau koj yuav:

- Piav ntau yam txog cov kev xaiv uas muaj rau koj xaiv;
- Ua hauj lwm nrog koj txheeb xyuas tej yam uas koj xav tau;
- Txiav txim xyuas seb peev nyiaj muab rau koj yuav npaum li cas; thiab
- Xyuas seb koj puas siv txij li peev nyiaj uas tau muab rau koj xwb, thiab ua tau raws li li qhov koj xav tau rau koj kev noj qab haus huv thiab kev nyab xeeb.

Peev Nyiaj Siv Tsis Pub Tshaj (Budget Limits)

Lub MCO kuj yuav txwv cov kev pab uas koj yog tus tswj koj tus kheej yog pom hais tias:

- Koj tsis siv cov nyiaj kom tsuas txij li qhov muab rau koj siv;
- Koj muab cov nyiaj siv tsis raws kev cai;
- Koj muab cov nyiaj siv mus rau qhov tsis zoo rau koj; los yog
- Muaj lwm tus los txiav txim rau koj uas tsis mus raws li qhov koj xav tau.

Lub MCO yuav qhia rau koj paub seb koj yuav ua li cas kom koj thiaj tsis ntsib cov kev txwv no thiab yuav qhia rau koj paub seb yuav ua ntawv mus sib hais los yog kom muaj lub rooj taug kev ncaj ncees li cas thaum koj muaj lus tsis txaus siab.